

بِسْمِ اللّٰهِ الرَّحْمٰنِ الرَّحِيْمِ

لے کے ناں میں سو بیٹھے رب دا کراں کلام بیان
مہر محبت کرنے والا اُچا اُسدا ناں

مشال

(قدیم تے جدید ہندکو چار بیتے)

گندھارا ہندکو اکیڈمی پشاور

مشال

(قدیم تے جدید هند کو چاربیتے)

حیدر زمان حیدر

جملہ حقوق بحق گندھارا ہندکو اکیڈمی محفوظ ہیں

مشال	نام کتاب
حیدر زمان حیدر	مصنف
محمد عقیق	کپوزنگ
عاقب حسین	سرور ق
اپریل 1995ء	سال اشاعت
2017ء	سال اشاعت (دوم)
محمد ضیاء الدین، جزل سیکریٹری، گندھارا ہندکو بورڈ پشاور	اہتمام اشاعت
F.173/17	جی ایچ اے اشاعت حوالہ
400 روپے	قیمت
جی ایچ اے لیزر پرنٹنگ پشاور گندھارا ہندکو اکیڈمی پشاور	پرنٹنگ
978-969-687-162-0 گندھارا ہندکو اکیڈمی، 2، چنار روڈ، آبدرا، یونیورسٹی ٹاؤن پشاور	طبع
	ISBN No.
	منہ کا پتہ

گندھارا ہندکو اکیڈمی پشاور

2- چنار روڈ، آبدرا، یونیورسٹی ٹاؤن، پشاور

091-9216223, 9216224

www.gandharahindko.com

انتساب

آپڑی مادری زبان ہندکو نال محبت تے خلوص رکھریں والے انہاں سنگیاں دے ناں
جھیرے ہندکو زبان دی ترقی واسطے کوششات پئے کر دے نیں

حیدر زمان حیدر

فہرست

نمبر شمار	عنوان	صفحہ
۱	لے ک ضروری گہل (محمد ضیاء الدین)	9
۲	ہند کو چار بیتہ - لے ک قدیم صفت ختن (پروفیسر صادق زاہد)	10
۳	لے ک دو گلاں (پروفیسر صوفی عبدالرشید)	12
۴	کچی کچی دا چھلائیں (پرواز تربیلوی)	14
۵	ہند کو چار بیتہ (حیدر زمان حیدر)	15
۶	عزت خود شاعر اس دی لوک رشاں وے وچ کر دے نی	19
۷	بڑیا زنزلہ واللہ دو گے دے چونیزی	20
۸	رگریز ارنگ سلاری - دو پھل پانویں اناراں دے	20

ہند کو زبان دے قديم چار بيتہ گو شعراء

۱	استاد خادی خان	23
۲	سامیں غلام دین ہزاروی	28
۳	حیات اللہ قادری	35
۴	بختاور	39
۵	سکندر شاہ پیرزادہ	47
۶	نظام دین	49

51	شاهرالله	۷
53	فضلدین	۸
57	مستر محمد یعقوب	۹
64	علی زمان	۱۰
68	میرعبدالله	۱۱
71	غلام حسن طاہرہ	۱۲
75	عجب خان نقشبندی	۱۳
78	محمد صالح	۱۴
82	ارسلخان	۱۵
85	محمد کاملیار	۱۶
88	شیرا	۱۷
90	حاجی راجہ جہاندار	۱۸
96	محمد اسرائیل مجدد	۱۹

هندکو زبان دیے جدید چار بیتہ گوشرا،

103	بابا عبدالجید	۱
107	مستری علی اکبر	۲
110	محمد علی	۳
116	عبدالغفور ملک	۴
127	محمد رحمان	۵

مشال

۱۳۴	محمد صابر	۶
۱۳۷	یحییٰ خالد	۷
۱۴۱	حیدر زمان حیدر	۸
۱۴۶	نذر حسین شاہ کسیلوی	۹
۱۵۲	افتخار ظفر جدون	۱۰
۱۵۵	قاضی محمد جاوی	۱۱
۱۵۸	محمد جاوید اختر	۱۲
۱۶۱	منیر حیدر	۱۳
۱۶۴	سلطان سکون	۱۴

.....

میں ڈھنگی محبوب سیاں ساریاں دی سردار
پاندی گل پھلاں دے ہار
ویکھڑیں نال ہویاں ظہیر..... لگیا چھاتی دے وچ تیر

جیوں کر بلنی اے مشال

ٹوں شمع میں پنگ تیرا منہ بدلے مشال
خونا نویں کبلا پا کے نہ کر جنگ عاشقان دے نال

جان جان توں میں قربان
ماری آچشمائی دی کشوار..... تلوار..... کیتا ای بے حال
پئنم دس ونجیں دیدار..... گلزار..... بدلے مشال

ٹوں شمع میں پنگ تیرا منہ بدلے مشال
خونا نویں کبلا پا کے نہ کر جنگ عاشقان دے نال

میں ڈھنگی محبوب سیاں ساریاں دی سردار..... پاندی گل پھلاں دے ہار
ویکھڑیں نال ہویاں ظہیر..... لگیا چھاتی دے وچ تیر

جیوں کر بلنی اے مشال

سوال پایا معاشو قاں..... بندھاں وچ گلیاں دے گوکاں
اکھیاں پھریاں دیاں بندوقاں..... چھلی پھر دی سچا عمل
جویں کر بلنی ایں مشال

پک ضروری گھل

حیدر زمان حیدر ہند کو زبان دے نہ صرف دل موهہ لبھے وے ولے شاعر ان بلکہ بک محقق تے دانشور بی ون۔

حیدر زمان حیدر نے اپڑا کلام تے اپڑی کتاباں چھپوا تھیں دی بجائے غلام دین ہزاری ہونزاں دے کلام ٹوں بڑی محنت دے بعد اکٹھا کیتا تے اس کلام دی تلاش اچ اوہ قریب قریب یتے گراں گراں پھرے تے جہاں لوکاں ٹوں انہاں دے چاربیتے یادائے۔ انہاں ٹوں ریکارڈ کر کے لکھتے فیر انہاں سب تحریراں ٹوں اکٹھا کر کے ہند کو چاربیتے دے سرناویں تلنے 1980ء اچ چھپوا یا۔ طباعت دے سارے عمل اچ انہاں نے اپڑے ذاتی وسائل استعمال کیتے تے ہند کو دی ترویج و ترقی و سے انہاں نے اس وخت کم کیتا جدو ہزارے اچ ہند کو لکھڑیں دارواں اجلانی پیا ایا۔ انہاں دی کتاباں ٹوں ریفلنس کتاب دی حیثیت حاصل ہو گئی انہاں اچ ”ہند کو چاربیتے دے رنگوں ندارے“، ”سوداگر اس بازاردا“، تے ”مشال“ ٹوں شہرت حاصل ہوئی۔ منے محسوس کیتا کہ انہاں دیاں کتاباں قارئین ٹوں دستیاب نینگیاں تے ضرورت اس گل دی اے کہ انہاں کتاباں ٹوں دوبارہ شائع کیتا جاوے۔ اسی پروگرام دے تحت حیدر زمان حیدر دی کتاباں دی اشاعت دا سلسلہ گندھارا ہند کو اکیڈمی نے شروع کیتا ہویا وے اس سلسلے اچ ”ہند کو چاربیتے دے رنگوں ندارے“، ”گندھارا ہند کو اکیڈمی پہلے چھاپ چکی اے تے ہونڑ انہاں دی دوسری کتاب ”مشال“ دی اشاعت دا اہتمام کیتا گیا وے۔

محمد ضیاء الدین

جزل سیکریٹری، گندھارا ہند کو بورڈ پاکستان

ہند کو چار بیتے۔ ہک قدیم صنف سخن

ہند کو بر صیردی سب تو قدیم زبان اے۔ اس دا ادبی ذخیرہ ادستاناں تے کہانیاں دی صورت وچ بزرگاں دے سیناں وچ محفوظ اے۔ موجودہ دورے دے زباناں دے تحقیق کرنے والے محققین دی مجموعی طورتے ایہہ رائے وے کے اُردو زبان دا ابتدائی لہجاح دی ہند کو زبان دی صورت وچ موجودے۔ اس داعملی ثبوت اساں اُردو زبان دے اک قدیم ادبی ملاد جہی دی مشہور داستان ”سب رس“ دے اندر کافی حد تک ملدا وے۔ اس توں علاوہ اگر دلی دکنی دی شاعری دامطالعہ کیتا جلتے اس صورت وچ ولی دکنی دی شاعری وچ ہند کو دے چند الفاظ اسماں ضروری ملدا نے لکھن جس ویلے اُردو بحیثیت ادبی زبان دے اپڑیں چہنڈے گاڑنے لگی تے ہند کو زبان آں اس بولی توں زیادہ اہمیت نہ دتی گئی جس دی وجہ نال اس زبان دا علمی ادبی مغیر لوکاں دے دل و دماغ نجی چھپیا دارہ گیا اوه زبان جیہڑی کسی ویلے سنکرتوں دے نال نال اپڑاں ادبی سفر طے کر دی رہی اوه بولی ٹھوٹی توں اگے اپڑاں مقام کتابی صورت نجی حاصل کرنے کو لوں رہ گئی اس میدان وچ حیدر زمان حیدر نے بحیثیت ادیب اپڑیں مال بولی زبان دی اہمیت پڑھیاں لکھیاں لوکاں دلائرے آ سطے ہند کو فارسی رسم الخط وچ لکھ کے سب توں پہلے ہند کو چار بیتے دے ”رگورنگ ندارے“ دی صورت وچ پیش کیتی اس توں بعد اپڑاں مجموعہ کلام ”سحرے پھل“ دے نال کتابی صورت وچ پیش کیتا اس توں بعد پرواز تر بیلوی دا مجموعہ کلام پھل تے کنڈے دے نال شائع کیتا۔ اس توں بعد ہند کو زبان دے صوفی اور بزرگ شاعر سائیں غلام دین اور اس دے چار بیتے دا محمودہ ”سوداگر اس بازاردا“ دے نال شائع کیتا تے انہاں دے موجودہ کوشش ”مثال“ دی صورت وچ ہند کو دے شاعر اس دا جہاں سُنڑ چار بیتے آ خ انہاں مکمل تذکرہ تاریخی صورت وچ کرنے دی سعادت حاصل کیتی اے۔ ایہہ تذکرہ ہند کو ادب دی اک یہلی تے مکمل کوشش اے۔ اس توں علاوہ اس کوشش دی ہک تاریخی اہمیت بی ہے وے اوایہہ کہ اج ساں دی جیہڑی قدیم تہذیب تے ثقاوت اے اوکدی جلدی اے۔ چار بیتہ شاعری دی دنیا وچ سب توں قدیم صنف سخن ہے جس دا حوالہ کسی حد تک سنکرتوں زبان و ادب دی تاریخ وچ ملدا ایہہ اے ابھی صنف اے جس اسماں دی قدیم

زندگی وچ دیہاڑی دے تحکیٰ ٿرئے ڏے لوك راتاں آن کسی حضرے وچ یا کسی چھانواں آلے بولئے تلے
دینے دی لوئی اُتے دپھدا تھاپ اُتے خوش آوازی نال پیش کر دے ایبے اور باقی لوك اس دی آوازنال آواز
ملا کے اس چار بیتے دی وجہ نال فکراں کلوں آزاد ہو کے تروتازہ ہو جلدے ایبے۔ ان اوہ تہذیب تے اوہ
ثقافت اوہ حضرے نئے لوکاں دا بہنوں وال تے مک گیا اور اے گل ہو جلدی کہ چار بیتے جیہوں لوکاں دے سینیاں
وچ رہ گیا وے انهاب دے مرنے نال اوہ بھی مر جلدا اس طرح حیدر زمان حیدر سمنڈ اُس تہذیب تے ثقافت
تے ہندکوزبان دی پچی تے ستری شاعری ان مکٹریں کلوں بچا کھددا اے انهاب دا تاریخی کارنا مہ ہندکو ادب دی
تاریخ وچ میل دا بیٹھ ثابت ہوئی حیدر زمان حیدر اک مخلص سے سچافنکاراے جس ان اپنے یں ہندکوزبان نال اس
حد تک پیاراے جس طرح ہک نئے آس اپنے یں ماڈنال پیار ہونداے۔ میری اللہ دی پاک ذات اگے ایہہ دعا
اے خدا اس اس ہندکوزبان دی خدمت کرنے دی ہو ر توفیق تے ہمت عطا فرمائے، آمین

پروفیسر صادق زاہد

ایبٹ آباد 4 جنوری 1995ء

مک دوگلاں

حیدر زمان حیدر اوڑیں ہند کو دیاں عاشقان تے شیدا یاں آسٹے ہک نواں تھنہ ”مشال“، دی شکل وچ
کھن کے آئے نے۔ انہاں دیاں کوششاں اتے دلوں آفرین آکھڑیں پیندی اے۔ ہند کو دے پرانیں
ادب دے کھونج وچ انہاں نے نہ رات دیکھی اے نہ دیہاڑے نہ فرز دیکھی اے تے نہ تماشاں نہ دوپہر دیکھی
اے نہ دیگرو سدے بدّل ہو نریاں تپدیاں دوپہر، ٹھا کا ہو وے یامیداں ہو کدے بخڑ ہو نریاں شو گندے جنگل،
انہاں آں جنچنے کدھرے پتے لگایا جے اتھے کے جڑیں آں کوئی ہند کو چار بیتے یا کوئی گیت یا کھانزیں یاداے۔ او
ہ او تھے پچھے تے اوہ چیز اس کولوں سڑ کے لکھ کھدی تے اس طرح اس ہند کو دے لوک ادب دا ہک وڈا ذخیرہ بکھا
کر کھدی۔ اُس سلیتے نال ترتیب دتا تے پلیوں خرج کر کے کتاب چھپوادی، کتاب سامزدیں آئی تے

ہر ہکی آں آکھڑاں پیا

” ڈاہڈا کم کیتے اویا!

تے ساریاں نے دعا یاں دیاں۔

اللہ تیرا مددگار

اللہ دی مدد ہوئی تے حیدر اوڑاں دیاں پر کھاں تے پر چولاں نے ہند کو ادب دا مانزو ڈھا دتا۔ ”ہند کو چار بیتے
دے رنگورنگ ندارے“، ”سو اگر اس بازاردا“، انہاں دیاں راتی دیہاڑی دیاں مختباں دا اودھ حاصل نے جس
توں ہند کو زبان تے ادب دے محققین تے عام شیدائی ہمیشہ استفادہ کر دے رہ سڑ۔ انہاں کتاباں دی
اشاعت نال ہند کو دی ہک مستقل ادبی روایت دا سلسلہ قائم کرنے وچ وڈی مددی تے کئی چھپے لکے تے ڈئے
ہوئے شاعر اس دے کلام نال ساڑی جانز پچھانز ہوئی۔ شاعر تے خدامست درویش سائیں غلام دین دا کلام
بکھا کر کے حیدر اوڑاں اپڑیں مقصص مقدے نال چھا پیا تے ہند کو شاعری دیاں روایتاں دارشته صوفیانہ /
عارفانہ شاعری دی اس روایت نال جڑ گیا جس دی نمائندگی پاکستانی زباناں دے وڈے صوفی شاعر کر رہے
نے۔ صنف اظہارتے زباناں دے اختلاف نال سائیں غلام دین اسی سلسلے دے ہک وڈے شاعر نے جس
نال پنجاب دے سلطان پا ہوئے تے بابا بلھے شاہ۔ سندھے دے شاہ عبدالطیف بھٹائی تے چل سرمست،

بلوچستان دے مست توکلی تے سرحد دے رحمان بابا نسلک نے، سائیں علیہ الرحمہ دی شاعری وچ عارفانہ ذوق و شوق رکھریں آلیاں آسٹے جذب و مست دے وا فر سامان موجود نے۔ حیدر اوڑاں دے دوئے ادبی تے علمی کم دی وڈی وسعت تے وقت رکھدے نے۔ انہاں داتے عبدالغفور ملک اوڑاں دا لکھا مجومعہ کلام ”سحرے پھل“ تے پرواز تربیلوی دا مجومعہ کلام ”پھل تے کنڈے“ اس بارے میں ذکر دے لائق نے۔ قرآن پاک دا ہندکو ترجمہ بھی انہاں نے مکمل کر کہدے دیکھو! اس دا ای اشاعت دی نوبت کدوں آندی اے کموں نہ گما اندھا یا پہارے لانجے والی آں۔

موجود کتاب ”مثال“، وچ انہاں نے اودھ چاربیتے بکھٹے کیتے نے جیہڑے ”ہندکو چاربیتے دے رنگورنگ ندارے“ توں بعد انہاں آں لیجھے نے۔ شاعر اس دے حالات زندگی ٹھوڈنال تے انہاں ہر چاربیتے دی تخلیق دا عہد دی گویا متعین کر دتا اے، اس طرح اس مکمل تاریخی ترتیب دی قائم کیتی اے تے ساڑے اپڑیں زمانے تک دے چاربیتہ آکھڑیں آلیاں دا کلام مہیا کر دتا اے ہندکو ادب دی اس صنف دا تاریخی ارتقاء معلوم کرنے آلیاں دا کم حیدر اوڑاں بہوں سکھلا کر سٹے، اودھ ہونز انہاں ای دی کے آں مثال بنڑا کے مزید تحقیق کر ہکدے نے۔

چاربیتہ کے وے تے اس دیاں ضرورتاں کے نے۔ اس بارے وچ ”ہندکو چاربیتے دے رنگورنگ ندارے“ تے ”سوداً گراس بازاردا“ دے مقدمیاں تے دیبا جیاں وچ خاصی طویل گفتگو ہوئی اے اس توں بعد اس موضوع تے کھلکھلاں فضول اے۔ مکدی گل اے وے تجھے حیدر زمان حیدر نے اس کتاب آں مرتب کر کے ہندکو آلیاں اُتے کہ ہوروڑا احسان کیتا جس دا اعتراف ہر حال وچ ضروری اے۔ اس دا بدلہ اودھ ساڑے کولو یعنھ منگدے ہاں ساڑے اُتے ایہہ فرض جے انہاں دے کم دی قدر کراں تے جس داداً مستحق اے اس توں اُسماں محروم نہ رہنڑیں دیوں۔ دعا اے جے اللہ تعالیٰ حیدر زمان حیدر اوڑاں دے عزائم وچ برکت پاوے تے ہندکو ادب دی تحقیق آسٹے انہاں دا شوق قائم تے دائم رہوے۔

ثم آمین

پروفیسر عبدالرشید

ایبٹ آباد 6 جنوری 1995ء

کچی کچ دا چھلائیں

پرواز تر بیلوی

پہلا پہلا سا د مراده آنھا ڈورہ کلائیں
اُتوں جتنا سادہ دسدے وچوں اتنا چھلائیں

ظرف نمیروں سونا پاسه، ذہنوں موتی شیشه دل
نیتاں صاف تے مخلص سوچاں بعض بخیل دار لائیں

رہبر کامل ہووے منزل دور دی نیڑے دسدی اے
پہانویں مشکل را ہواں ہوون۔ خطرہ خوف دھڑلائیں

لکھ ہتھوڑے ظلماء دے اس بیرے آں نیھ پہن سکدے
ایہہ دل اے، پرواز دا چھلیاں کچی کچ دا چھلائیں

.....

ہند کو چار پیٹہ

چار پیٹہ ہند کو زبان دی ہیوں پڑا نڑی تے قدیم صنف سخن اے۔ اسدی ہک مخصوص ہنکنیک اے، تے ایہہ آجکل دی اپڑیں اسی خاص تے اصلی حالت وچ لکھا جلدے، اس صنف سخن دا غالص تعلق صوبہ سرحد تے پنجاب دے علاقے ائک تے پچھہ ہزارہ نال اے، جیہڑا اپڑا ہک خاص تعلق سماجی تے ثقافتی پس منظر رکھدا وے۔ چار پیٹہ گوشاعراں نے وی چار بیتے دے اندر نظم دی طرح بنداں دا اہتمام کر کے اپڑیں خیالاں کو پیش کیتا، مگر چار بیتے دی ہنکنیک نظم کولوں بالکل وکھڑی تے جُداوے، چار پیٹہ گوشاعردا فتحے دے اصل یا مرکزی خیال آں ہرو یلے دھیان وچ رکھدے نیں، تے ٹیپ دے مصرع آں، ہربندے دے اخیر تے ہو ہیو موڑ موڑ کے آنڑو دے نیں، جسدے تکرار دی وجہ نال ذہن اصل خیال دی طرف مر جلدے تے اس تکرار دی وجہ نال ایک ایجی موسیقی پیدا ہوندی اے جیہڑی کناں وچ رس کھولدی اے، ایہہ گل ضروری اے کہ چار بیتے دا اپڑا ہک خاص مرڈانہ لہجتے آہنگ اے، تے ایہہ ہک خاص وزن تے آہنگ وچ ای آخیا جلدے، ہند کو زبان دے بہوں سارے شاعراں نے چار بیتے دی شاعری وچ نال پیدا کیتا، چار بیتے بھفلاء وچ دپھنال گا کے سمنواۓ۔ چار بیتے دی ہیبت وچ بہوں ساریاں تبدیلیاں کیتیاں، تے چار بیتے وچ بہوں سارے مضموناں داییان انہاں شاعراں نے زور شور نال کیتیا۔

ہزارے وچ چار پیٹہ دی تاریخ کافی قدیم تے دلچسپ اے، تے ایتھے دے بستیک لوکاں دے مزاج تے حالات و واقعات دی تاریخ آپ پیش کر دی اے، جتھے کدرے پھٹا نزاں دیاں بستیاں آباد ہوئیاں حضرے ہر ہکی بستی تے گراں وچ بڑائے گئے، دیہاتی زندگی وچ گراں دے حضرے دا بہوں ڈا مقام اے، تے اسدا ایتھے گراں دی معاشرتی زندگی وچ بہوں سارا عمل دخل اے، حضرہ نہ صرف باہروں آئے دے مزماناں دے ٹھہرنے دی جگہ وے، بلکہ ہر بستی وچ شادی بیاہ تے موت دے غم دیاں تقریباً تے لوکاں دے ہکی جائی جمع ہو کے خوشنی غم دکھ سکھ وچ شامل ہونزیں دی جگہ وے راتی دے وقت دیہاتی آبادی دے گھبرو جوان حضرے وچ جمع ہو کے گپ شپ مار دے نیں تے اس طرح ہکی دوئے دی خبر گیری کر دے نیں تے نویں تازہ خبر سمنواں دے ستر اندازے نیں تے اسدے اُتے تبصرے ہوندے نیں مگر ہنڑا وہ ویلانگھ گیا جدول اسماں